

Umthandazo phambi kokudla

Mlimu olomusa,
sonile kuwe, asifanele isihawu sakho.
Sithethelele izono zethu.
Ubusise lezizisa ezoncedo lwethu.
Usincede ukuze sidle sinathele udumo lwakho.
Ngenxa kaKristu.
Ameni.

Umthandazo emva kokudla

Mlimu obusisekileyo,
kuwe siyaphila, siyahamba, njalo sikhona.
Senze sibonge izisa zakho.
Ngoba siphila ngobongamelo bakho.
Sincede ukuze siphilele ukukudumisa.
Sikhangele njalo silinnde impilo engcono sesilawe
phezulu.
NgoJesu Kristu iNkosi.
Ameni.

Kodwa wathi: Vumelani abantwana abancane beze kimi,
njalo lingabanqabeli, ngoba umbuso wamazulu
ungowabanje. – UMathewu 19:14.

IKhathekhizimu likaMama

Amalungiselelo alusizo kwabatsha labangaziyo
ukuze baqedisise lula
Ikhathekhizimu Elifitshane loMbuthano

Ndawonye lemibuzo yembali evela eBhayibhilini

Fundisa umntwana indlela amele ahambe ngayo,
kuzakuthi esemdalayikuphambuka kuyo. - Izaga 22:6

Kubhalwe ngo-2008

Izingwalo zeThestamente Elidala

<i>Ibizo</i>	<i>Izahluko</i>	<i>Ibizo</i>	<i>Izahluko</i>
UGenesise	50	UmTshumayeli	12
UEksodus	40	INgoma Yezingoma	8
ULevi	27	UIsaya	66
AmaNani	36	UJeremiya	52
UDuteronomi	34	IziLilo	5
UJoshuwa	24	UHezekeli	48
AbaHluleli	21	UDaniyeli	12
URuthe	4	UHoseya	14
1 USamuwel	31	UJoweli	3
2 USamuwel	24	UAmosi	9
1 AmaKhosi	22	UObadiya	1
2 AmaKhosi	25	UJona	4
1 Imilando	29	UMika	7
2 Imilando	36	UNahume	3
UEzra	10	UHabakuki	3
UNehemiya	13	UZefaniya	3
UEsta	10	UHagayi	2
UJobe	42	UZekariya	14
Izihlabelelo	150	UMalaki	4
Izaga	31		

Umthandazo weNkosi

Baba wethu osemazulwini.
 Kalihlonitshwe ibizo lakho.
 Umbuso wakho kawuze.
 Intando yakho kayenziwe lemhlabeni njengezulwini.
 Siphe lamuhla ukudla kwethu kwensuku zonke.
 Njalo usithethelele izono zethu,
 njengalokhu lathi sibathethelela abasonayo.
 Njalo ungasingenisi ekulingweni,
 kodwa usikhulule ebubini.
 Ngoba umbuso ungowakho lamandla lenkazimulo,
 kuze kube nini lanini.
 Ameni.

**Um. Ngubani owayesuka ekubeni ngumhluphi waba
ngumthumayeli?**

Im. NguPawuli.

**Um. Ngubani owathuthumelayo ekutshumayeleni
kukaPawuli?**

Im. NguFelike umbusi weRoma.

**Um. Yiyiphi inkosi eyaphose yavunyiswa ukuba
likholwa nguPawuli?**

Im. NguAgripa inkosi.

Um. IJerusalema umuzi lethempeli kwachithwa nini?

Im. Phose iminyaka engamatshumi amane emva kokufa
kukaKristu.

Um. Ngubani owakwenzayo?

Im. NguTitusi umbusi weRoma.

Um. Bathiwani abaprofethi labapostoli?

Im. Bonke bahlupheka ngokufelukholo ngenxa
yezimfundiso abazifundisayo. UIsaywa wasahwa phakathi.
UJeremiya wakhandwa ngamatshe. UPetro loAndreya
babethelwa. UPawuli waqunywa ikhanda. Njalo njalo.

Izingwalo zeThestamente Elitsha

<i>Ibizo</i>	<i>Izahluko</i>	<i>Ibizo</i>	<i>Izahluko</i>
UMathewu	28	1 UTimothi	6
UMarko	16	2 UTimothi	4
ULuka	24	UTitosi	3
UJohane	21	UFilimon	1
ImiSebenzi	28	AmaHeberu	13
AbaseRoma	16	UJakobe	5
1 AbaseKorinte	16	1 UPetro	5
2 AbaseKorinte	13	2 UPetro	3
AbaseGalathiya	6	1 UJohane	5
AbaseEfesu	6	2 UJohane	1
AbaseFiliphi	4	3 UJohane	1
AbaseKolose	4	UJuda	1
1 AbaseTesalonika	5	Isambulelo	
2 AbaseTesalonika	3		22

Isihlabelelo 23

- | | |
|--|---|
| 1 Umalusi wam' iNkosi
Angiyikuswela,
Emadlelwen' aluhlaza
Iyangilalisa. | Ngokuba wena ulami
Lay' intonga yakho,
Lalo udondolo lwakho
Ziyangiduduza. |
| 2 Ngasemanzin' okuphum'la
Iyangiholela,
Ibuye ivuselele
Umphefum'lo wami | 5 Wendlal' itafula lami
Phambi kwezitha zam',
Ugcobil' ikhanda lami
'Nkezo yam' igcwele. |
| 3 Endleleni zokulunga
Iyangiholela
Akungenxa yami, kodwa
Ngal' ibizo layo. | 6 Impel' okuhle lomusa
Kuyangilandela
Kuzo zonke izinsuku
Ezempilo yami. |
| 4 Loba ngisuke ngihambe
Kuso isigodi,
Ethunzini lakh' ukufa
Angesab' okubi. | Njalo sengizakuhlala
Phakathi kway' indlu,
Kuyo engeyay' iNkosi
Kub' ephakadeni. |

Um. Ngubani owalahla uKristu ukuze abethelwe?
Im. NguPontiyusi Pilatu usibalukhulu wamaRoma.

Um. Ngubani owakhuthaza uPilatu ukuthi enze njalo?
Im. NgamaJuda.

Um. Nguwuphi kubafundi owabulawa kuqala?
Im. NguJakobe.

Um. Nguwuphi kubo owaphila isikhathi eside?
Im. NguJohane.

Um. Ngubani umfelukholo wokuqala?
Im. NguStefane.

Um. Wafa ukufa bani?
Im. Wakhandwa ngamatshe waze wafa.

Um. Ngubani owadliwa zimpethu?
Im. NguHerodi owabulala uJakobe ngenkemba.

**Um. Ngubani owayethi angathenga uMoya
oyiNgewelete ngemali?**
Im. NguSimoni isanuse.

Um. UKristu waphepha njani?

Im. Wathwalelwa eGibhithe nguJosefa loMariya.

Um. UKristu wakhetha abaphostoli abangaki?

Im. Abalitshumi lambili.

Um. Ngubani kubo ayemthanda kakhulu?

Im. NguJohane.

Um. Ngubani kubo owayekhuthеле kakhulu?

Im. NguPetro.

**Um. Ngobani kubo awabathatha ukuba ngabafakazi
bokuguqulwa isimo lokuhlupheka kwakhe?**

Im. NgoPetro, uJohane, loJakobe.

Um. Ngubani kubo owamphikayo?

Im. NguPetro.

Um. Ngubani kubo owamnikelayo?

Im. NguJudasi.

Um. Wamthengisa ngemalini?

Im. Ngenhlamvu ezingamatshumi amathathu zesiliva.

Um. Kwenzakalani ngoJudasi emva kwalokho?

Im. Wanyamalala wasesiyazilengisa.

Imilayo elitshumi

(Isifinqo)

1. Ungabi lomunye uNkulunkulu ngaphandle kwami.
2. Ungagobi idolo lakho esifanekisweni.
3. Ungaliphathi ngeze ibizo likaNkulunkulu.
4. Ungalungcolisi usuku IweSabatha.
5. Hlonipha uyihlo lonyoko.
6. Ungabulali.
7. Yekela amazwi lezenzo okungcolileyo.
8. Ungebi lanxa usesimeni esiphansi.
9. Ungafakazi ngamanga.
10. Ungahawukeli okukamakhelwane wakho.

IKhathekhizimu likaMama nguMfundisi uJohane Wilisoni

Umbuzo. Ngubani owakudalayo?

Impendulo. NguNkulunkulu.

Um. Ngubani okuhlengayo?

Im. NguKristu.

Um. Ngubani okwenza ube ngcwele?

Im. NguMoya Oyingcwele.

Um. Wenziwa ngani?

Im. Ngothuli lomhlaba.

Um. Lokhu kukufundisani?

Im. Ukuzithoba lokunakana ngokufa.

Um. Wadalelwani?

Im. Ukukhonza uNkulunkulu.

Um. Ungamkhonza ngendlela yiphi uNkulunkulu?

Im. Ngokulalela imithetho kaNkulunkulu lokuthemba kuye, ngokubala, langokuzwa, ngomthandazo, langendumiso, njalonjalo.

Um. Kwenzakalani kuye?

Im. Waqunywa ikhanda esentolongweni ngokulaya kukaHerodi.

Um. Kungani?

Im. Ngoba wasola uHerodi ngokukhohlakala kwakhe.

Um. Ngubani owaqala ukumemezela ukuzalwa kukaKristu?

Im. Zingilosi.

Um. Zona zakumemezela kubani?

Im. Kubelusi.

Um. Ngobani abakhonza uKristu kuqala emva kokuzalwa kwakhe?

Im. Yizazi zempumalanga ezintathu.

Um. Bakhokhelwa yini ukuze beyefika kuye?

Im. Yinkanyezi.

Um. Ngubani owabulala abantwanyana eBetelehema?

Im. NguHerodi.

Um. Wayebabulalelani?

Im. Ngoba wayethi uzabulala uKristu phakathi kwabo.

Um. Ngubani owaphoselwa emgodini wezilwane?

Im. NguDaniyeli.

Um. Kungani?

Im. Ngoba wala ukuyekela ukukhuleka kuMlimu.

Um. Ngubani owaphoselwa elwandle waginywa yinsikabayitshiye?

Im. NguJona.

Um. Abantu bonke laba abangewebe balodolozwa bakhululwa yini?

Im. Yebo, balondolozwa ngamandla lomusa kaMlimu.

Um. UMsindisi wethu wazalwa nini?

Im. Sekwedlule phose iminyaka ezinkulungwane ezine umhlaba udaliwe.

Um. Ngubani owayeyinkosi eJuda ngalesosikhathi?

Im. NguHerodi.

Um. Ngubani owayengumbusi wamaRoma ngalesosikhathi?

Im. NguAgastasi.

Um. Ngubani owayeyisigijimi phambi kukaJesu?

Im. NguJohane uMbhabathizi.

Um. Kuyini okuqakathekileyo okufanele ukukhumbule ensukwini zobutsha bakho?

Im. Umdali lomhlengi wami.

Um. Kungaphi lapho okulentokozo yakho eqakathekileyo?

Im. Ekuthokozeni kuNkulunkulu.

Um. Kuyini okuqakathekileyo uNkulunkulu akufuna kuwe?

Im. Ukukholwa kuye lokumlalela.

Um. Siyini isimiso sokukholwa lokulalela kwakho?

Im. Yimbhalo engcwele.

Um. Itholakala ngaphi?

Im. KuThestamente eLidala leLitsha.

Um. Iqala njani njalo icine njani iThestamente eLidala?

Im. Iqala ngoGenesise icine kuMalaki.

Um. Iqala njani njalo icine njani iThestamente eLitsha?

Im. Iqala ngoMathewu icine ngeSambulelo.

Um. Kambe iBhayibhili kayisigwalo olungcwele oluhle okwedlula zonke emhlaben?

Im. Yebo.

Um. Kungani kunjalo?

Im. **Ngoba uNkulunkulu nguye umlobi wayo njalo lamazwi alo abhalwa nguye.**

Um. Kakufanelanga yini ukuthi uphatheke ngokufunda ukubala lokuqedisisa imibhalo?

Im. Yebo.

Um. Uyini uNkulunkulu?

Im. UngoMoya.

Um. Uyini uMoya?

Im. Yisidalwa esingelakubonwa njalo asenziwanga ngenyama legazi njengathi.

Um. Bakhona abanye omoya ngaphandle kukaNkulunkulu yini?

Im. Yebo.

Um. Bangobani?

Im. Yizingilosи lempifefumulo yabantu.

Um. Ngubani umuntu ofuze inhliziyo kaMlimu?

Im. NguDavida.

Um. Ngubani owayeyindoda enhle kakhulu?

Im. NguAbisalomu.

Um. Ngubani umuntu owayehlakaniphile kubo bonke?

Im. NguSolomoni.

Um. Wayengubani uSolomoni?

Im. Wayeyindodana kaDavida lenkosi yeJerusalema.

Um. Ngubani owakha ithempeli eJerusalema?

Im. NguSolomon owayeyinkosi ehlakaniphileyo elamandla.

Um. Wayakha nini?

Im. Phose ngeminyaka eyinkulungwane phambi kukaKristu.

Um. Ngobani abaphoselwa esithandweni somlilo?

Im. NguShadraki, loMeshaki, loAbedinego.

Um. Kungani baphoselwa kuso?

Im. Ngoba bala ukukhonza isithombe segolide sikaNebukadinezari.

**Um. Ngobani labo umhlaba owabavulekelayo
wasubaginya bephila?**

Im. NgoKhora loDathani loAbiramu.

Um. Kungani bajeziswa ngale indlela?

Im. Ngoba bavukela uMozisi loAroni.

**Um. Babe bangaki abantwana bakolsrayeli mhla
bephuma eGibhithe?**

Im. Phose abangamakhulu ayisithupha enkulungwane.

Um. Bangaki kubo abangena eKhanani?

Im. Kabakho ngaphandle kukaJoshuwa loKalebi.

Um. Abanye behlelwa yini?

Im. Bonke bafa enkangala.

Um. Yisono bani esikhulu abasenza enkangala?

Im. Yikwenza lokukhonza ithole legolide.

Um. Ngubani umuntu owayemnene kakhulu?

Im. NguMozisi.

Um. Ngubani umuntu owayelamandla amakhulu?

Im. NguSamsoni.

Um. Ngubani umuntu owayebekzelaka kakhulu?

Im. NguJobe.

Um. Behluka njani kuNkulunkulu?

Im. Izingilosи lempifefumulo yabantu kulesiphelo njalo yizidalwa, kodwa uNkulunkulu kalasiphelo njalo kadalwanga.

Um. UNkulunkulu ulesiqalo yini?

Im. Hatshi.

Um. Uzakuba lesiphelo yini?

Im. Hatshi.

Um. Usukela kuphakade esiya kuphakade yini?

Im. Yebo.

**Um. Izingilosи lempifefumulo yabantu kulesiqalo
yini?**

Im. Yebo.

Um. Ngubani owazinika lokho?

Im. NguNkulunkulu.

Um. Zizaphela yini?

Im. Hathsii.

**Um. UNkulunkulu kakhazimuli kakhulu yini
okwedlula lokho esikukhumbulayo?**

Im. Yebo.

Um. Bangaki oNkulunkulu?

Im. Ukhona munye kuphela.

Um. Zingaki iziqu zikaNkulunkulu?

Im. Zintathu.

Um. Yiziphi?

Im. NguYise, leNdodana, loMoya oyiNgcwele.

Um. Umhlaba ulesiqalo yini?

Im. Yebo.

Um. Ngubani owawenzayo?

Im. NguNkulunkulu.

Um. Wawenza ngani?

Im. Kawenzanga ngalutho.

Um. Wasebenzisani?

Im. Ilizwi lamandla akhe.

Um. Wawenza ngesikhathi esinganani?

Im. Ngensuku eziyisithupha.

Um. Wazenza zaba njani zonke izinto?

Im. Wazenza zonke zaba zinhle kakhulu.

Um. Ngubani owayebacindezel?

Im. NguPharoah inkosi yeGibhithe.

Um. INkosi yathomela izinhlupheko ezingaki eGibhithe ngenxa yalokho?

Im. Ezilitshumi.

Um. AmaGibhithe achithwa njani ekucineni?

Im. Baminzwa eLwandle oluBomvu.

Um. Abantwana bakaSirayeli baphetshiswa njani?

Im. UMLimu wadabula uLwandle oluBomvu ukuze bachaphe emhlabathini owomileyo.

Um. Ngubani owabakhokhela besuka eGibhithe?

Im. NguMozisi.

Um. Baqondiswa njani enkangala?

Im. Yinsika yeyezi emini lensika yomlilo ebusuku.

Um. Babesidlani lapho?

Im. Imana eyayivela ezulwini.

Um. Bakuzuza njani ukunatha kuleyonkangala eyomileyo?

Im. UNkulunkulu wabavezela amanzi ayevela edwaleni abalandela yonke indlela.

Um. Wayelamadodana amangaki uJakobe?

Im. Babelitshumi lambili.

Um. Izibulo lakhe lalingubani?

Im. WayenguRubeni.

Um. Omncane kubo bonke wayengubani?

Im. NguBenamini.

Um. Ngubani owathengiselwa eGibhithe?

Im. NguJosefa.

Um. Wathengiswa ngobani?

Im. Ngabafowabo.

Um. Zazingaki izizwe zabantwana bakoIsrayeli?

Im. Zazilitshumi lambili.

**Um. Yisiphi sizizwe uMlimu owakhetha kuso
abaphristi labafundisi?**

Im. Yisizwe sakoLevi.

Um. UKristu wadabuka kusiphi sazo?

Im. Wayengowesizwe sakoJuda.

Um. AbakoIsrayeli bacindezelwa njani eGibhithe?

Im. Imizimba yabo yaggilazwa, labantwana babo besilisa
babhujswa emfuleni iNile.

Um. Umuntu wenziwa ngaluphi usuku?

Im. Ngolwesithupha.

Um. UNkulunkulu wenzani ngosuku lwesikhombisa?

Im. Waphumula emisebenzini yakhe yonke
wazingcwelisela iSabatha.

**Um. Ngubani owaba yindoda yokuqala lomfazi
wokuqala emhlabeni?**

Im. NguAdamu loEva.

Um. Badalwa bekusiphi isimo?

Im. Esimeni esingcwele njalo esithokozisayo.

Um. Babekhululekile esonweni lesizini yini?

Im. Yebo.

Um. Bahlala yini kulesisimo?

Im. Hatshi.

Um. Bawa njani kuso?

Im. Ngokwephula isivumelwano loNkulunkulu.

**Um. UNkulunkulu wenza izivumelwano ezingaki
lomuntu?**

Im. Ezimbili.

Um. Yiziphi?

Im. Isivumelwano semisebenzi lesivumelwano somusa.

Um. Wasenza lobani isivumelwano semisebenzi?

Im. Labazali bethu bokuqala, uAdamu loEva.

Um. Senziwa ngamabizo abo kuphela yini?

Im. Hatshi; kungengamabizo abo, kodwa ebizweni lenzalo yabo yonke.

Um. UNkulunkulu wasenza lobani isivumelwano somusa?

Im. Wasenza loKristu ebizweni labakhethiweyo.

Um. Ngobani abakhethiweyo?

Im. Yilabo abakhethwa nguNkulunkulu kilo lonke iphakade, wabapha uKristu ukuze abasindise elakeni.

Um. Kungani isivumelwano sokuqala sibizwa ngokuthi yisivumelwano semisebenzi?

Im. Ngokuba sasifuna imisebenzi, kumbe ukulalela, ukuze sipheleliswe.

Um. Isivumelwano lesi sasifuna ukulalela okunjani?

Im. Ukulalela okupheleleyo.

Um. Indimi zehlukana nini?

Im. Kusakhiwa iBabeli.

Um. ISodoma yachithwa njani?

Im. Ngomlilo lesibabule esavela ezulwini.

Um. Kabakho yini abantu abasindiswayo kulo umuzi?

Im. Kakho ngaphandle kukaLothi lomkakhe lamadodakazi akhe amabili.

Um. Kwenzekani ngomkaLothi?

Im. Waphenduka isiduli sesawudo.

Um. Kungani wajeziswa ngendlela ebuhlungu?

Im. Ngoba wanyemukula emuva eSodoma njalo wayethanda ilizwe.

Um. Ngubani okuthiwa nguyise wabakholwayo?

Im. NguAbrahama.

Um. Lwahlolwa ngani kakhulu ukholo lwakhe?

Im. Ukumnikela indodana yakhe uIsaka ngokulaywa kukaMlimu.

Um. Wayelamadodana amangaki uIsaka?

Im. Ayemabili uJakobe loEsawu.

Um. Umkhumbi wawakha okwesikhathi esingakanani?

Im. Iminyaka elikhulu leminyaka engamatshumi amabili.

Um. Kungani wathatha isikhathi eside kangaka?

Im. Ukupha umhlaba isixwayiso lethuba lokuthi baphenduke ezonweni zabo.

Um. Wathiwa ngumtshumayeli wokulunga ngenxa yalokhu yini?

Im. Yebo.

Um. UNowa wayelamadodana amangaki?

Im. Amathathu: UShemu, loHamu, loJafethi.

Um. Nguwuphi kibo bonke owayelungle?

Im. NguShemu.

Um. Nguwuphi wabo owayekhohlakele?

Im. NguHamu.

Um. Thina siyisizukulwane sikabani?

Im. EsikaJafethi.

Um. Ulimi lokuqala lwaluyiluphi emhlabeni?

Im. YisiHebheru.

Um. Kungani sibizwa ngokuthi yisivumelwano sempilo?

Im. Ngoba impilo yayingumvuzo owathenjiswa nxa sigcinwa.

Um. Sasithembisa impilo enjani?

Im. Impilo yesikhatsana, yokomoya, lelaphakade.

Um. Sasiyini isijeziso esethusela ukwephula isivumelwano lesi?

Im. Yikufa, ngoba uNkulunkulu wathi: "Mhla usidla kuso uzakufa lokufa."

Um. Kwakuyikufa bani?

Im. Ukufa kwasikhatsana, okomoya, lakwaphakade.

Um. Kuyini ukufa kwasikhatsana?

Im. Yikwehlukana komoya lomzimba.

Um. Kuyini ukufa komoya?

Im. Yikwehlukana komphefumulo loNkulunkulu.

Um. Kuyini ukufa okulaphakade?

Im. Yikwehlukana kokubili komphefumulo lomzimba kuNkulunkulu phakade.

**Um. Abazali bethu bokuqala basigcina yini
isivumelwano semisebenzi?**

Im. Hatshi.

Um. Basephula njani?

Im. Ngokudla isithelo esenqatshelweyo.

Um. Ngubani owabanqabela ukuthi bengasidli?

Im. NguNkulunkulu.

Um. Ngubani owathi basidle?

Im. NguSathane.

Um. Ukusidla kwabo kwakuyisono esikhulu yini?

Im. Yebo.

Um. Kuyini okwasenza saba njalo?

Im. Ngoba ngokukwenza badelela uNkulunkulu, bona bemelene lokukhanya okusobala, behluleka ukubonga kuNkulunkulu, kabanelanga ngesimo sabo, njalo bakhola umoya omubi kuloNkulunkulu.

**Um. Abazali bethu bokuqala losapho Iwabo bazuza
isijeziso sokwephula isivumelwano sokuqala yini?**

Im. Yebo.

Um. Ngubani umfelukholo waqukala emhlabeni?

Im. NguAbela.

**Um. Nguwuphi kumadodana kaAdamu owadabula
usendo Iwabakholwayo?**

Im. NguSeti.

Um. Ngubani umuntu owaphila isikhathi eside?

Im. NguMethusela.

Um. Umhlaba wakudala wabhujswa njani?

Im. Ngozamcola.

Um. Wabhujswa nini?

Im. Ngomyaka ka1656 emva kokudalwa.

Um. Kungani ilizwe lendulo lachithwa?

Im. Ngenxa yezono zabo ezidabulayo bemelene loNkulunkulu.

Um. Ngobani abasindiswayo kulokhukubhujswa?

Im. Abakho ngaphandle kukaNowa lemuli yakhe.

Um. Wasindiswa njani?

Im. Ngomkhumbi owawakhayo.

Um. Endaweni ebusisekileyo singayingena njani?

Im. Simele sikhangele kuJesu umenduleli wethu,
silandele isibonelo sempilo yakhe, sithembele kumfanelo
zokufa kwakhe.

Imibuzo yembali evela eBhayibhilini

Um. Ngubani umuntu wokuqala emhlabeni?

Im. NguAdamu.

Um. Ngubani umfazi wokuqala?

Im. NguEva.

Um. UAdamu wabunjwa ngani?

Im. Ngothuli lomhlaba.

Um. UEva wenziwa ngani?

Im. Ngobambo lukaAdamu.

Um. UNkulunkulu wababeka ngaphi esebezile?

Im. Esivandeni seEdeni.

Um. Bafakelwani lapha?

Im. Ukusigcina lokusilima.

Um. Ngubani umbulali wokuqala emhlabeni?

Im. NguKhayini.

**Um. Bafa yini ngalona lolusuku abadla ngalo isithelo
esenqatshelweyo?**

Im. Bafa okwakomoya ngalolosuku njalo bafanelu ukufa
kwesikhathhana lokufa okulaphakade.

Um. Balahlekelwa yikuthokoza okukhulu yini?

Im. Yebo.

Um. Balahlani?

Im. Balahla umfanekiso kaMlimu lobudlelwano laye.

**Um. Utshoni ngomfanekiso kaNkulunkulu
owabalahlekelayo?**

Im. Ubungwele lokuphelela okwahlanyelwa kumvelo
yabo ekudalweni kwabo, okubizwa njalo ngokuthi
yikulunga kwakuqala.

**Um. Utshoni ngobudlelwano loNkulunkulu
okwabalahlekelayo?**

Im. Yibumnandi bokuxoxa lobudlelwano abazali bethi
bokuqala ababelabo loNkulunkulu bengakawi.

**Um. Akulandlela yini yokuzuza lezi izibusiso
ezikhethekileyo?**

Im. Ikhona nguJesu Kristu.

**Um. Uломlandu yini ngalokhukulahlekelwa lensizi
uAdamu azehlisela khona ngokuwa?**

Im. Yebo.

Um. Khathesi umuntu uzalwa ekusiphi isimo?

Im. Ekusimo sesono losizi.

Um. Weza lesono emhlabeni yini?

Im. Yebo.

Um. Sibizwa ngokuthini?

Im. Yisono sokuqala.

Um. Yisiphi lesosono?

Im. Yisono esivela kubazali bami sisukela kuAdamu.

Um. Ucalekile njalo ungcilile ngalesisono yini?

Im. Yebo.

**Um. Imvelo yakho ibolile njalo yonakele ngenxa yaso
yini?**

Im. Yebo.

Um. Ukwazi njani lokho?

Im. Ngoba ngizwa inhliziyu yami ihlehlala emuva
kokulungileyo njalo ithanda lokho okubi.

Um. UMlimu ubasa ngaphi abakhohlakeleyo?

Im. Esihogweni.

Um. Ngobani abahlezi lapho?

Im. NguSathane lengilos i zakhe.

Um. Isihogo siyindawo enjani?

Im. Yindawo yokuhlutshwa, ichibi elivutha umlilo
lesibalule iphakade lonke.

Um. AbaloThixo bayaa ngaphi ekufeni?

Im. Ezulwini.

Um. Ngobani abahlezi lapho?

Im. NguNkulunkulu, loKristu, lezingilos ezingcwele.

Um. Izulu yindawo enjani?

Im. Yindawo enhle kulazo zonke, lapho okulentokozo
epheleleyo, lobumnandi kuze kube phakade.

Um. Abakhohlakeleyo benzani esihogweni?

Im. Bayathuka bahlambaza kokuphela.

Um. Abangcwele benzani ezulwini?

Im. Babuka uKristu, bacule izingoma bajabule njalo
njalo.

Um. Kungani?

Im. Ngoba kuqeda izinsizi zabo, kuqalise injabulo yabo, kuyindlela ebusisekileyo ekhupha usizi lonke ingenise intokozo yonke.

Um. Ukufa kwekhola wa kufananiswe lani embhalweni?

Im. Lokulala.

Um. Amangcwaba abo afananiswa lani?

Im. Lamacansi okuphumula.

Um. Baphumula kukuphi?

Im. Kukulingwa nguSathane, inhlupheko zomhlabwa, leziga eziqanjweyo yisono.

Um. Ukufa kuyini emuntwini okhohlakeleyo?

Im. Kuyisijeziso sesono lendlela engenisa isizi zaphakade.

Um. Ingcwaba liyini kuye?

Im. Liyintolongo yokugcina umzimba wakhe kuze kufike usuku olukhulu lokwahlulela.

Um. Umphefumulo uya ngaphi ekufeni?

Im. Uya kuMlimu owawuphayo ukuze uzuze ukwahlulela kwavo.

Um. Yisiphi esinye isono olaso phezu kwesokuqala?

Im. Ngilesono uqobo lwaso.

Um. Siyini isono uqobo lwaso?

Im. Yisono engisenza imihla ngemihla, ngokukhumbula, ngamazwi, langezenzo.

Um. Isono somdabuko singumthombo wakho konke ukona yini?

Im. Yebo.

Um. Ulusizana njalo ucalekile ngenxa yokuwa yini?

Im. Yebo.

Um. Ziyini insizi ukuwa okwazehlisela phezu kwethu?

Im. Zinthathu; ezesikhatsana, ezemoyeni, lezephakade.

Um. Yiziphi izinsizi zesikhatsana?

Im. Zindubo lenhlupheko zomzimba.

Um. Yiziphi lezi?

Im. Zinjengendlala, izimpi, umatshaya-abhuqe wesifo, ubuyanga, ihlazo, umkhuhlane, lezinhlungu zokufa ekucineni.

Um. Yiziphi izinsizi zasemoyeni ezisifaneleyo ngenxa yokuwa kukaAdam?

Im. Zinhlupheko lemikhuhlane yomphefumulo.

Um. Yiziphi lezo?

Im. Zinjengokulahlekelwa yisimiso sikaNkulunkulu, lobudlelwano laye, ubuphofu benqgondo, ubulukhuni benhliziyo, ukuvalwa kwesazela, ubuthakathaka bomkhumbulo, lokunjalo.

Um. Ziyini insizi zaphakade ezisifaneleyo?

Im. Inhlungu zesihogo sisuka lapha ezingelasiphelo.

Um. Kukhona ukusiliswa kwabantu ngaphansi kokwephulwa kwesivumelwano sokuqala yini?

Im. Yebo.

Um. UMLimu wabuye wasenzela esinye isivumelwano yini?

Im. Yebo.

Um. Sibizwa ngokuthini?

Im. Yisivumelwano somusa.

Um. Bakhona abaphetshiswa kumbe abakhululwa ekufeni yini?

Im. Kabakho ngaphandle kukaEnoki lo Elija.

Um. Kwenzakalani kubo?

Im. Bagaqulelwana emazulwini bengazange bakuzwe ukufa.

Um. Kuyini okwaletha ukufa emhlabeni?

Im. Yisono.

Um. Abakholwayo bayabakhululeka yini ngokupheleleyo esonweni kuze kube sekufeni?

Im. Hatshi.

Um. Luyini udonsi lokufa?

Im. Yisono.

Um. Ngubani osengcothule udonsi lokufa kwabakholwayo?

Im. NguKristu.

Um. Ukufa kuyisijeziso kubo yini?

Im. Hatshi.

Um. Ukufa akusincedo yini kumakholwa?

Im. Yebo.

Um. Yiziphi ingxenye lezi?

Im. Yisandulelo, izicelo eziyisithupha, lesiphetho.

Um. Kulezicelo ezingaki ezesikhhatshana?

Im. Sikhona sinye kuphela.

Um. Yisiphi?

Im. Yisicelo sesine esithi: "Siphe lamuhla ukudla kwethu kwensuku zonke."

Um. Kungani kulesicelo esisodwa kuphela eseziinswelo zesikhhatshana?

Im. Ukuze sifunde ukuphasalalela izibusiso zomoya okwedlula izinto ezinhle zesikhhatshana.

Um. Yiziphi lezozinto okumele uziqinele emkhulekweni?

Im. Simele sikhumbule umusa wokuthethelela izono zami, lomusa wokunginceda ngesikhathi sokuswela, ikakhulu ukuqiniswa ngeholo lokufa kwami.

Um. Ikhona indlela yokuphepha ukufa yini?

Im. Hatshi

Um. Kungani ingeko?

Im. Ngoba kumiselwe abantu ukuthi bafe kanye.

Um. Kungani sibizwa njalo?

Im. Ngoba zonke izinto ezithenjisiweyo kuso ziysisipho esikhululekileyo sikaNkulunkulu, kunjalo ngitsho ukholo ngokwalo okuthi ngaphandle kwalo singeke sibe lengwabungwabu kuKristu lenzozo zalesisivumelwano.

Um. Lesi isivumelwano sihle kakhulu yini kulesakuqala?

Im. Yebo.

Um. Esakuqala sasivumela lommmeli yini?

Im. Hayi.

Um. Sasivuma ukuphenduka, kumbe sasithembisa uthethelelo lwesono yini?

Im. Hayi.

Um. Isivumelwano somusa siyakuvuma konke lokhu yini?

Im. Yebo.

Um. Isivumelwano somusa singephulwa kumbe sichithwe ngenxa yezonzo zethu yini, njengesivumelwano somsebenzi?

Im. Hayi.

Um. Ngabe lokhu kuyinkuthazo kithi ekoneni yini?

Im. Hayi, kodwa kulalokho ebungcweleni; ngoba kakufanelanga sone ngoba umusa wengezelwelwe.

Um. Kungani isivumelwano somusa siliqiniso njalo siqinile?

Im. Ngoba silomlamuli lommeli ukusiphendulela.

Um. Ngubani owasinakekela ngeselapho sesikhosini lesi?

Im. NguNkulunkulu.

Um. Ngubani owenza uMlimu wakwenza lokhu?

Im. Yintando lesisa sakhe esikhululekileyo.

**Um. Umuntu esimeni sakhe esiwileyo
ubengafanelanga lutho yini kuNkulunkulu?**

Im. Kakulalutho, kuphela ulaka ngenxa yezono zakhe.

**Um. Ukhumbula ukuthi uzazuza ukuyekelwa
kwezono zakho njani?**

Im. NgoJesu uMmeli wezoni ezilahlekileyo.

**Um. UMlimu uzayekela izono zakho ngaphandle
kokuthuliswa ulaka lwakhe yini?**

Im. Hayi.

Um. Ngubani okumele ukhuleke kuye yedwa?

Im. NguMlimu.

Um. Izicelo zakho kumele uzibize ebizwени likabani?

Im. Ebizweni likaKristu.

Um. Lezi kumele uzenze njani?

Im. Ngokuzithoba lokholo langokutshiseka.

Um. Kumele ukhulekele izinto ezinjani?

Im. Kuphela izinto ezivumelana lentando kaMlimu.

**Um. Kambe uMlimu ukuphile iziqondiso
emkhulekweni yini?**

Im. Yebo.

Um. Yiziphi lezo?

Im. Yimibhalo engcwele yonke lomthandazo weNkosi ngokukhethekileyo.

Um. Ungawutsho umthandazo weNkosi yini?

Im. Yebo.

Um. Umthandazo weNkosi ulengxenye ezingaki?

Im. Ezintathu.

Um. Ukhona umehluko phakathi kobhabbhathizo leSidlo seNkosi yini?
Im. Yebo.

Um. Zombili zimele, ziphawula, zingenisa intonye yini?
Im. Yebo.

Um. Umehluko ungaphi?
Im. Elinye ngelokuqamba, lelinye ngelokondla.
Ubhabbhathizo lulisango abantwana bakaMlimu abangena ngalo. ISidlo seNkosi litafula okumele badle kulo.

Um. Ubhabbhathizo luyaphindwa yini?
Im. Hatshi.

Um. Isidlo seNkosi kufanele semukelwe ngaso sonke isikhathi yini?
Im. Yebo.

Um. Zingaki izigaba ekukhulekeni?
Im. Zintathu.

Um. Ziyini lezizigaba ezintathu?
Im. Ukuvuma, ukucela, lokubonga.

Um. Ulakho wena ukusuthisa ulaka lukaNkulunkulu ngenxa yezenzo zakho yini?
Im. Hayi.

Um. UMlimu uyenela ukuthi omunye athathe isikhundla sakho ngezono zakho yini?
Im. Yebo.

Um. Kodwa ngubani olamandla njalo ovumayo ukusimela ukuze athulise ulaka lukaMlimu?
Im. NguJesu Kristu olamandla njalo ovumayo.

Um. Kakho omunye owayengakwenza lokhu ngaphandle kwakhe yini?
Im. Kakho.

Um. Kungani?
Im. Ngoba nguye yedwa olamandla okuthwala ulaka olungapheliyo lukaMlimu.

Um. UJesu Kristu lo ungubani?
Im. UyiNdodana kaMlimu ephakade, isiqu sesibili kuziqu ntathu olodumo.

Um. UMlimu ulabo abanye ababiza ngokuthi ngamadodana akhe yini ngaphandle kweNkosi yethu uJesu Kristu?
Im. Yebo.

Um. Bangobani?

Im. Izingilosи labakholwayo.

Um. Ukhona umehluko omkhulu phakathi kwabo loKristu yini?

Im. Yebo.

Um. Izingilosи zingamadodana kaNkulunkulu njani?

Im. Ngoba wazidala. Ngakho uAdamu uthiwa yindodana kaNkulunkulu.

Um. Abakholwayo bangamadodana kaMlimu njani?

Im. Ngokuzalwa kutsha langokuma kwabantwana.

Um. UKristu uyiNdodana KaMlimu njani?

Im. Ngozalo lwaphakade, ngakho ubizwa ngokuthi yiNdodana yakhe eyodwa.

Um. UKristu wazenzelani izoni ezilahlekileyo?

Im. Wazithathela ukuba nguMlamuli phakathi kukaNkulunkulu lazo.

Um. Uhlenga bani uJesu Kristu?

Im. Abakhethiweyo.

Um. Ubahlenga ngaphi?

Im. Esonweni lasesihogweni.

Um. Yisiphi isibonakaliso esisibonayo esisetshenziswa kubhabbhathizo?

Im. Ngamanzi afafazwa emzimbeni.

Um. Kukhombani?

Im. Igazi likaKristu elihlanza sonke isono lokucaleka kompheyfumulo.

Um. Ubhabbhathizwa ebizweni likabani?

Im. Egameni likaYise, leleNdodana, lelikoMoya oyiNgewe.

Um. Yiziphi izibonelo esizibona zesidlo seNkosi?

Im. Yisinkwa lewayini.

Um. Zimeleni lezizinto?

Im. Umzimba legazi likaKristu.

Um. UKristu walimisa nini lelisakramente?

Im. Ngalobobusuku anikelwa ngabo.

Um. Limiselweni?

Im. Ukuqhube kaewesikhumbuzo sokufa kwakhe lezinhlupheko zakhe phakathi kwabantu bakhe, kuze kuge sekucineni komhlaba.

Um. Liyini isakramente?

Im. Liyisibonelo esibonakalayo sokutshengisa lokungenisa izinzuzo zikaKristu kithi.

Um. Mangaki amasakramente?

Im. Mabili.

Um. Ayeyini amasakramente eThestamente eLidala?

Im. Yikusoka leDlulaphezulu.

Um. La asasuswa yini?

Im. Yebo.

Um. Ayini amasakramente eThestamente eLitsha?

Im. Ubhabhathizo leSidlo seNkosi.

Um. Amiswa ngubani?

Im. UJesu Kristu, oyinhloko yedwa yebandla.

Um. Wawamiselani?

Im. Ukuba zimpawu zesivumelwano somusa ukuqinisa ukholo labantu bakhe.

Um. Azakuma kuze kube nini?

Im. UKristu aze afike okwesibili.

Um. UKristu wawenza ngayiphi indlela umsebenzi wakhe?

Im. Wathatha imvelo yethu phezu kwakhe, wasichithela igazi lakhe elinqabileyo.

Um. UKristu ulemvelo ezingaki?

Im. Ezimbili.

Um. Ziyini?

Im. Yimvelo kaMlimu lemvelo yomuntu.

Um. Kwakumfanele njani uMhlengi wethu ukuthi abe yikho kokubili uNkulunkulu lomuntu?

Im. Wayengumuntu ukusifela; wayenguMlimu ukwehlula ukufa.

Um. Wayelazo imvelo lezi ezimbili ngaso sonke isikhathi yini?

Im. Hatshi.

Um. WayengesuMlimu kusukela ephakadeni lonke yini?

Im. Yebo.

Um. Wayengumuntu kusukela ephakadeni lonke yini?

Im. Hatshi.

Um. Waqala ukuba ngumuntu nini?

Im. Ekupheleleni kwesikhathi lapho intonga yombuso
isisuka koJuda.

**Um. Uzaqhubeka eyikho kokubili uNkulunkulu
lomuntu yini?**

Im. Yebo.

Um. Waba ngumuntu njani?

Im. Ngokuzithathela umzimba lomphefumulo uqobo.

Um. Wazalwa ngubani?

Im. Yintombi uMaria.

Um. Wayeloyise emhlabeni yini?

Im. Hatshi.

Um. Wamithwa njani-ke?

Im. Ngamandla kaMoya oyiNgcwele.

Um. Kungani wamithwa ngale indlela?

Im. Ukuze akhululeke esonweni sakuqala.

Um. Wayengelasono kumbe ukungcola loba kunjani?

Im. Hatshi.

Um. Ukwazi njani lokho?

Im. Ilizwi likaMlimu lingitshela njalo; langaphandle
kwalokho ngifica inhliziyo yami ifile ngokwemvelo,
ilukhuni njengelitshe.

**Um. Kuyini okuvusa umpedufumulo ofileyo njalo
kudabule inhliziyo elukhuni?**

Im. Kakukho okunye ngaphandle kwamandla amakhulu
kaMlimu lomusa wakhe okhululekileyo.

**Um. Akumelanga yini ukuthi sihlale sikhangele
kulawo amandla njalo uwakhulekela?**

Im. Yebo

**Um. Ngemvelo kawusuye yini owemzini kuMlimu
njalo okhatshana laye?**

Im. Yebo.

Um. Usondezwa njani kuye?

Im. Ngegazi likaJesu Kristu.

**Um. Yiziphi izindlela zethu zokwejwayelana
lobudlelwano loKristu?**

Im. Ilizwi lakhe, amasakramente, lomkhuleko.

Um. Ufanele ukulifunda lokulizwa njani iLizwi?

Im. Ngokukholwa, uthando, lokuqedisisa.

Um. Luyini ukholo?

Im. Luyisandla somphefumulo esemukela njalo sibambelele kuKristu njengoMsindisi omkhulu, leselapho esisiphiwa nguMlimu.

Um. Wanikelwa ngenxa yani?

Im. Ngenxa yempilo losindiso.

Um. Unikelwa ngaphi kithi?

Im. Evangelini.

Um. Unikelwa ngani lapho?

Im. Ngesihle, ngokugcweleyo, lakuzo zonke izikhundla zakhe, njengomprofethi, umphristi, lenkosi.

Um. Ngobani labo abazisola ngezono zabo ngoqotho?

Im. Yilabo asebephendukele kuMlimu kuKristu, ngophenduko lweqiniso njalo olungelankohliso.

Um. Luyini loluphenduko?

Im. Luyikudabuka kwenhliziyi ngenxa yezenzo zethu njalo siphenduka kuzo zonke siye kuJesu Kristu lendlela yobungcwele.

Um. Ulawo yini wena amandla ngokwakho okuphenduka kumbe okukholwa?

Im. Hatshi.

Um. Wazalelwa ngaphi?

Im. EBetelehema.

Um. Wayengowasiphi isizwe?

Im. Ngowesizwe sakoJuda.

Um. Wayelusendo lukabani?

Im. Wayelusendo lukaDavida.

Um. UKristu wazalelwa esimeni esinjani?

Im. Esimeni esiphansi.

Um. Kwakuyini lokho?

Im. Wazalwa ngumfazi othobekileyo, esibayeni, walaliswa emkolweni.

Um. Waphila impilo yokuthobeka kulo umhlaba yini?

Im. Yebo.

Um. Wakwenzelani konke lokhu?

Im. Ngenxa yethu.

Um. Wazithathela phezu kwakhe ubuthakathaka bomvelo yethu yini?

Im. Yebo, njengelasono lenjengejwayelekileyo.

Um. Zaziyini lezi?

Im. Okufanana lokudabuka, ukudinwa ukulamba, ukoma, ubuthongo, ukuginqa, ukopha, lokunjalo.

Um. Wazithathelelani phezu kwakhe?

Im. Ukuze abe lakho kakhulu ukusizwela kudubo lwethu.

Um. Kungani uMhlensi wethu ebizwa ngokuthi nguJesu?

Im. Ngoba usindisa abantu bakhe ezonweni zabo.

Um. Kungani ebizwa ngokuthi nguKristu?

Im. Ngoba umiswe njalo wehlukaniselwa emsebenzini wakhe wobulamuli.

Um. Mingaki imisebenzi ayimiselwayo?

Im. Mithathu.

Um. Iyini?

Im. Umsebenzi womprofethi lowompristi lowenkosi.

Um. Simswele yini uMlamuli olale yonke imisebenzi?

Im. Yebo.

Um. Wayengumuntu kuphela yini?

Im. Hatshi.

Um. Wayeyini-ke?

Im. WayenguMlimu njalo engumuntu ebuntwini bunye.

Um. Kuyini okusifaneleyo nxa sisephula ngamunye wale imilayo?

Im. Ulaka lukaMlimu lapha lemva kwalapha.

Um. Ulaka lolu ukhumbula ukuthi ungaluphepha ngobani?

Im. NgoJesu Kristu owagcwalisa umthetho njalo wasuthisa ukulunga ngenxa yami.

Um. Bonke abantu balebango yini emsebenzini owenziwa njalo owahlutshelwa uKristu?

Im. Hatshi.

Um. Ngobani abalelungelo lokwenza lokhu?

Im. Wonke amakholwa eqiniso njalo abazisola ngezonzo zabo ngoqotho.

Um. Ngobani amakholwa eqiniso?

Im. Yilabo asebebalekele kuKristu banamathela kuye ngokholo lweqiniso.

Um. Siyini isifinquo semilayo elitshumi?

Im. Ukuthanda uNkulunkulu lomakhelwane wami.

Um. Kufanele ugcine yonke imilayo ngokupheleleyo yini?

Im. Yebo.

Um. Uyanelisa yini ukukwenza lokhu?

Im. Hatshi.

Um. Uyayephula yini insuku zonke?

Im. Yebo.

Um. Ukwenza njani lokhu?

Im. Ngemicabango, ngelizwi, langezenzo.

Um. Kwake kwaba lomuntu owayelakho ukugcina umthetho ngokupheleleyo yini?

Im. Yebo.

Um. Ngubani?

Im. NguAdamu, mandulo kokuwa.

Um. Kakuzanga kube khona yini umuntu kusukela ekuweni owayelakho ukugcina umthetho ngokupheleleyo?

Im. Yebo, nguJesu Kristu.

Um. Wakufanele njani ukuthi umsebenzi kaKristu ube lezigaba ezintathu?

Im. Ukuze uphendule insizi zethu ezikantathu.

Um. Yiziphi lezi?

Im. Ukungazi, ukucaleka, lobuggili.

Um. Umswele njani uKristu njengomprofethi?

Im. Ukungifundisa lokwelapha ukungazi kwami.

Um. Umswele njani uKristu njengompristi?

Im. Ukunika inhlawulo yokuthula ngokucaleka kwami lokungilabhelela kuNkulunkulu.

Um. Umswele njani uKristu njengenkosi?

Im. Ukuba angikhulule ekubeni yizigqili lokuthi angibuse ngemithetho yakhe.

Um. UKristu ukwelapha njani ukungazi kwethu?

Im. Ngelizwi lakhe langMoya wakhe usifundisa.

Um. Wawahlawulela njani amalandu ethu?

Im. Ngokufa kwakhe, lokusinikelela umhlatshelo wokuthula, esiphambanweni.

Um. Usikhulula njani ebugqilini?

Im. Ngamandla akhe wathwala umsebenzi wophenduko lokungcweliswa kithi.

Um. UJesu wafa ukufa okunjani ngenxa yethu?

Im. Ukufa kwesiphambano.

Um. Kwakuyikufa okunjani lokho?

Im. Ukufa okuqalekisiweyo, okubuhlunu, njalo okuyangisayo.

Um. Wayelenjongo bani ekufeni kwakhe?

Im. Ukuba ngumhlatsheko obusisekileyo, ukusuthisa umthetho ngesono, lokusibuyisela kuNkulunkulu.

Um. Uyini umnikelo uKristu awenzayo ngenxa yethu?

Im. Wazenza umnikelo yena ngokwakhe.

Um. Wanikela umzimba kumbe umphefumulo wakhe yini?

Im. Wasinikelela kokibili.

Um. Wahlupheka elakeni lwabantu lolukaSathane kuhela yini?

Im. Wahlupheka lelakeni lukaNkulunkulu.

Um. Yiwuphi umlayo othi ukhumbule usuku IweSabatha?

Im. Ngowesine.

Um. Ufanele ukulugcina njani usuku IweSabatha?

Im. Ngokukhonza uMlimu obala langasese, ngingakhumbuli imicabango yami, ngingakhulumi amazwi ami, ngingenzi imisebenzi yami ngalolusuku.

Um. Yiwuphi umlayo othi awuhloniphe abazali bakho?

Im. Ngowesihlanu.

Um. Yiwuphi umlayo onqabela ukulwa lokulimaza owakhelene lawe?

Im. Ngowesithupha.

Um. Yiwuphi umlayo onqabela ukungcola?

Im. Ngowesikhombisa.

Um. Yiwuphi umlayo onqabela ukweba?

Im. Ngowesificaminwembili.

Um. Yiwuphi umlayo onqabela ukuqamba amanga?

Im. Ngowesificamunwemunye.

Um. Yiwuphi umlayo onqabela ukuhawukela?

Im. Ngowetshumi.

Um. Yayibhalwe njani imithetho elitshumi ekuqaleni?

Im. Yayibhalwe ngomunwe kaMlimu ezibhebheni ezimbili zamatshe.

Um. UMlimu wayinika bani ekuqaleni?

Im. KuMozisi.

Um. Wakwenza ngaphi?

Im. Entabeni yaseSinayi.

Um. Ungayiphindaphinda yini?

Im. Yebo.

Um. Awufanele yini ukuyifunda uyiqedisise?

Im. Yebo.

Um. Yiwuphi umlayo onqabela ukukhonza izithombe kumbe onkulunkulu bamanga?

Im. Ngowokuqala.

Um. Yiwuphi umthetho onqabela inkolelo kumbe ukukhonza uMlimu ngendlela embi?

Im. Ngowesibili.

Um. Yiwuphi umlayo onqabela ukufunga kumbe ukungcolisa ibizo likaMlimu?

Im. Ngowesithathu.

Um. Wasihluphekela emzimbeni wakhe kuphela yini?

Im. Wahlupheka lemphefumulweni wakhe.

Um. Lezinhlupheko wazizwa ngaphi

ngokukakathekileyo?

Im. Esivandeni seGetsemene lesiphambanweni.

Um. Wazi njani ukuthi wezwa ubuhlungu

emphefumulweni wakhe?

Im. Ngezithukuthuku zegazi, langamazwi awakhulumu ngelezozikhathi.

Um. Ukulunga kukaNkulunkulu kwasuthiswa yini

ngalokhu uKristu akuhluphekela abantu bakhe?

Im. Yebo.

Um. UNkulunkulu kasayikudinga yini okunye

ukusuthiswa ngabo?

Im. Hatshi.

Um. Wazi njani?

Im. Ngoba esesiphambanweni uKristu wathi:

"Kuphelile", wasesifa; emva kwalokho wavuswa engcwaben'i.

Um. Kwenzekani kuKristu emva kokufa kwakhe?

Im. Umzimba wakhe wangcwatshwa engcwabeni lomphefumulo wakhe waya eParadise.

Um. Ubudlelwano phakathi kwemvelo zikaJesu ezimbili baqhubeka lanxa esesekufeni yini?

Im. Yebo.

Um. Waqhubeka isikhathi eside esesimeni sokufa yini?

Im. Hayi.

Um. Wavuka nini engcwabeni?

Im. Ngosuku Iwesithathu emva kokufa kwakhe.

Um. Lwaluyiluphi lolosuku lokuvuka kwakhe?

Im. Kwakulusuku lokuqala lweviki; ngakho lwabizwa ngokuthi lusuku lweNkosi.

Um. Usuku lweSabatha lwaguqulwa ngalesosikhathi lusuka kwelesikhombisa lusiya kolokuqala evikini yini?

Im. Yebo.

Um. Yasisenzelwani inguquko le?

Im. Ukuhlonipha uMhlensi wethu lokuthi sihlale sikhumbula ukuvuka kwakhe okulodumo lokunqoba kwakhe izitha zakhe lezitha zethu.

Um. Ufanele ukumthanda njani uMlimu?

Im. Ngayo yonke inhliziyo yami langawo wonke amandla ami, ngaphezu kwazo zonke izinto ezisemhlabeni.

Um. Ufanele ukulalela njani imilayo kaMlimu?

Im. Ngokuthembeka, ngaso sonke isikhathi, ngakho konke.

Um. Mingaki imilayo?

Im. Ilitshumi.

Um. Yehlukaniswe njani?

Im. Yaba yizibhebhe ezimbili.

Um. Yayimingaki eyayibhaliwe esibhebheni sokuqala?

Im. Yayimine.

Um. Mingaki eyayibhalwe esibhebheni sesibili?

Im. Iyisithupha.

Um. Isibhebhе sokuqala simumetheni?

Im. Imfanelo yethu kuMlimu.

Um. Isibhebhе sesibili simumetheni?

Im. Imfanelo yethu ebantwini.

Um. Yiziphi indlela zangaphandle azisebenzisayo ngokwejwayelekileyo ukuze aqalise umsebenzi?
Im. Yilizwi likaMlimu loswazi.

Um. Yiliphi inyathela lokuqala lokusebenza kukaMoya phezu komuntu?
Im. Yikuvunyiswa.

Um. Uvunyiswani umuntu?
Im. Uvunyiswa kokubili izono lensizi zakhe.

Um. Yiliphi inyathela elilandelayo lomsebenzi kaMoya kuphenduko?
Im. Ufundu okunengi ngoKristu emphefumulweni wakhe.

Um. Wenzani okulandela lokhu?
Im. Udonsa inhliziyo ukugona uKristu lendlela yobungcwele.

Um. Umuntu ozelwe kutsha ubonisa njani ubuqotho bokuguquka kwakhe?
Im. Ngothando lweqiniso kuNkulunkulu lokulalela imithetho yakhe.

Um. Yiziphi izitha lezi?
Im. NguSathane, ilizwe, isono, ukufa, lesihogo.

Um. UKristu wakubona yini ukubola engcwabeni?
Im. Hayi.

Um. Kungani kwaba njalo?
Im. Ngoba wayengelasono.

Um. Wavuka ngamandla kabani?
Im. Ngamandla obuNkulunkulu bakhe.

Um. Wavukelani?
Im. Ukubonakalisa ukuthi ukulunga kusuthisiwe ngokugcweleyo lokuthi izitha zakhe zinqotshiwe ngokupheleleyo.

Um. Wahlala isikhathi esingakanani emhlabeni emva kokuvuka kwakhe?
Im. Insuku ezingamatshumi amane.

Um. Wayesebenzani ngalesosikhathi?
Im. Wayeqinisa abafundi bakhe ebafundisa izinto ezimayelana lombuso kaNkulunkulu.

Um. Wenzani emva kwalokho?
Im. Weniyukela ezulwini.

Um. Uhlezi ngaphi lapho?

Im. Ngakwesokunene sikaMlimu.

Um. Wenzani?

Im. Uyasilabhelela.

Um. Uzabuya yini elizweni?

Im. Yebo.

Um. Nini?

Im. Ngemini yokuphela.

Um. Umuntu uyakwazi ukuthi usuku lokucina lunini?

Im. Hayi.

Um. UMLimu ulufihlelani lolosku?

Im. Ukuze silinde imihla yonke, njalo sihlale kumlindo wethu.

Um. UKristu uzabuya ngayiphi indlela?

Im. Ngendlela edumileyo kakhulu elezingilosи zakhe ezingcwele.

Um. Uzabezekwenzani ekubuyeni kwakhe?

Im. Ukwehlulela ilizwe.

Um. Umuntu angalindela usindiso ngokulunga kukaKristu nxa elokhu ehlezi ezonweni zakhe yini?

Im. Hatshi.

Um. Ukulungisiswa lokungcweliswa kungehlukaniswe yini?

Im. Yebo.

Um. Singalungisiswa nguKristu kungelanguquko eyenziwe phezu kwethu yini?

Im. Hatshi.

Um. Kumele kwensiwe inguquko bani?

Im. Inguquko enkulukazi, imvelo endala kumele isuswe, siphewe inhliziyo entsha.

Um. Uyini umsebenzi kaMoya oyiNgcwele emsebenzini wosindiso lomuntu?

Im. Ukungenisa uhlengo lokwathengwayo kukaKristu kwabakhethiweyo.

Um. Ukwenza ngandlela bani lokho?

Im. Ngokusebenza ukholo enhliziyweni lokuqhuba umsebenzi wophenduko lokungcweliswa emuntwini wonke.

Um. Sisindiswa-ke ngokukholwa kumbe ngemisebenzi yini?

Im. Ngokukholwa kuphela.

Um. Kukhona ukufanela yini ekholweni njengoba lungumusa okithi ukuzuza ukulungisiswa kwethu phambi kukaNkulunkulu?

Im. Hatshi.

Um. Ukukholwa-ke kusilungisia kumbe kusenza silunge njani phambi kukaNkulunkulu?

Im. Kuphela kunjengesikhali kumbe isandla sokubambelela ekulungeni kukaKristu.

Um. UKulunga kukaKristu yikho kuphela okungasenza silungisisiwe yini?

Im. Yebo.

Um. Ukholo yisikhali esibangela lokhu yini?

Im. Yebo.

Um. Kungani okunye ukulunga ngaphandle kokukuKristu kungesilungisisiwe phambi kukaNkulunkulu?

Im. Ngoba okwakhe ukulunga kuphela kuphelele phakade njalo kusuthise ngokugcweleyo amabango omthetho.

Um. Uzakwehlulela obani ngalolosuku?

Im. Bonke abaphilayo labafileyo; abake baba khona, labakhona, labazakuba khona emhlabeni.

Um. Abafileyo bonke bazavuswa emangcwabenzi yini?

Im. Yebo.

Um. Bazavuka belemizimba enjani?

Im. Bazavuka belemizimba yona leyo ababelayo ngoqobo, lanxa yehlukene ngesimo.

Um. Bazavuswa njani abafileyo?

Im. Yilizwi elilamandla lengilosy enkulu lokukhala kwecilongo lokucina.

Um. Kuzaba lomahluko omkhulu yini phakathi kokuvuka kwabalungileyo lababi ekuvukeni kwabo?

Im. Yebo.

Um. Luzakuba yini?

Im. Abalungileyo bazavuka belodumo lokunqoba, kodwa abayizoni bazavuka belokwesaba bethuthumela.

Um. Abantu bonke bafanele ukuma phambi kwesihlalo sobukhosи yini?

Im. Yebo.

Um. Ngubani ozabaletha?

Im. Yizingilosí.

Um. Ngobani ozababeka ngakwesokunene sakhe?

Im. Abalungileyo.

Um. Kuzakuba yini ukwehlulelwá kwabo?

Im. "Wozani, lina elibusisiweyo nguBaba, lidle ilifa lombuso eliwulungiselweyo kusukela ekusekelweni komhlaba."

Um. Yibaphi uKristu azababeka ngakwesokhohlo sakhe?

Im. Ngabayizoni.

Um. Kuzakuba yini ukwehlulelwá kwabo?

Im. "Sukani kimi, lina eliqalekisiweyo, liye emlilweni olaphakade, olungiselwe uSathane lengilosí zakhe."

Um. Bangobani abazabalwa ngokuthi balungle ngalolosuku?

Im. Yilabo kuphela abagqokiswe ngokulunga kukaKristu.

Um. Ukhona umuntu osemhlabení olamandla okuma ngokulunga kwakhe yini ngalolosuku?

Im. Hatshi.

Um. Kungani kunjalo?

Im. Ngoba konke ukulunga kwethu kunjengezidwedwe ezingcolileyo phambi kukaNkulunkulu.

Um. Utshoni ngokulunga kukaJesu Kristu?

Im. Ukulalela kwakhe, kokubili ukwenza lokuthembeka.

Um. Kuyini ukulelala kwakhe ngokwenza?

Im. Yimpilo yakhe engcwele, lapha ephelelisa khona umthetho wonke, esenza imilayo oyilayayo, esikhundleni sethu.

Um. Kuyini ukulalela kwakhe ngokuthembeka?

Im. Ukuhlupheka kwakhe kuzijeziso zonke njalo ejeziswa ngenxa yokwephula kwethu umthetho.

Um. Ukulunga kukaKristu kuba ngokwethu ngandlela bani?

Im. UNkulunkulu uyasibalela khona njalo ngokukholwa kwethu.

Um. UMLimu usipha nini ukulunga lokhu?

Im. Lapha sibambelela kukho ngokholo ukuze silungisisiswe.